

傷寒論綱目
八

傷寒論綱目卷八

漢南陽張

機仲景撰

同學張所望衛生叅

錢塘後裔志聰隱菴註

門人金紹文西銘訂

辨痊濕暍脉證

傷寒所致太陽病痊濕暍三種宜應別論以爲與傷寒相
似故此見之。痊痴去聲暍言謁

太陽之爲病脉浮頭項強痛而惡寒痊濕暍三種宜應
別論。然與傷寒所致太陽之爲病相似故於此論中見
之。蓋風雨寒暑之邪皆傷太陽之表氣皆爲脉浮頭項

治法方法
在金匱要
畧故曰宜
應別論

靈樞經脉
篇太陽主
筋

強痛而惡寒故於論中特提此三者之病證以分別之
爲與傷寒相似故也按此章舊本列于太陽篇之首乃
西晉王叔和之編次于理欠順今改次于勞復之後
太陽病發熱無汗反惡寒者名曰剛瘧

發熱無汗太陽表陽之爲病惡寒者陽氣虛於外也陽
氣者精則養神柔則養筋病傷氣而氣虛則筋急而爲
剛瘧筋經篇曰太陽之筋病脊反折項筋急肩不舉腋
支缺盆中鈕痛不可左右搖金匱要畧曰太陽病無汗
而小便反少氣上衝胸口噤不得語欲作剛瘧葛根湯

藤蔓者治
筋脉

表氣虛則
惡寒

主之蓋太陽之氣病不能布化其水津故無汗而小便
少氣上衝胸者氣逆于內也夫分氣張神氣發而始發
其音聲神氣不張故口噤也宜葛根以舒筋桂枝芍藥
以養神氣甘草薑棗和中以生津液麻黃通太陽之氣
以出表夫太陽之氣主表今反逆于內而惡寒故曰反
太陽病發熱汗出不惡寒者名曰柔瘧

太陽病發熱汗出不惡寒者太陽之表陽爲病而陽氣
外弛也柔瘧者項亦強凡凡然按太陽之氣逆於內者
爲剛瘧弛於外者爲柔瘧蓋剛柔者陰陽之變化也氣

氣在外而
弛散故變
爲陰

逆于內變而爲陽氣弛于外變而爲陰

太陽病發熱脉沉而細者名曰瘥

太陽病發熱病太陽之氣在表脉沉者太陽之裏氣下陷也太陽之氣上與心主之神氣相合以外浮而又主於血脉脉細者神氣血脉皆虛也氣病在表不得裏氣神氣以外應則氣虛而成瘥矣故金匱要畧爲難治

太陽病發汗太多因致瘥

發汗太多則亡陽而亡津液矣故因致瘥

病身熱足寒頸項強急惡寒時頭熱面赤目脉赤獨頭面



大傷筋病
項筋急

無言章曰
橫骨者神
氣所使主
發舌者也

搖卒口噤背反張者瘥病也

身熱者陽氣病於外也。足寒者根氣虛於內也。頸項強
急者陽氣虛而不能榮養其筋脉也。惡寒者表氣虛也。
時頭面熱赤者陽熱虛浮於上也。夫水之精爲志。火之
精爲神。志與心精共湊於目。目脉赤者神氣虛浮於上
也。獨頭面搖者君火之氣上炎也。卒口噤者分氣不泄
神氣不張也。背反張者太陽之筋急也。夫太陽之氣上
合於心主之神。外內出入榮養筋骨血脉。病傷陽氣神
氣則爲瘥病矣。



張衛生曰。太陽合心神而主血。是以產後病瘧。刀斧及撲損傷失血而病瘧。癰毒瘡家。汗泄而成瘧。

○太陽病關節疼痛而煩。脉沈而細者。此名濕痺。濕痺之候。其人小便不利。大便反快。但當利其小便。

痺者閉也。痛也。此濕傷太陽之氣。閉逆于內。是以疼痛而煩。夫節之交三百六十五會。神氣之所遊行。出入太陽之氣。合神氣出入于關節之間。陽氣神氣受傷。故關節疼痛而心煩。氣傷痛也。太陽之氣出于膀胱。生氣下逆。故脉沈傷心主之血。故脉細。氣不施化。故小便不利。

脾土受濕故大便反快但當利其小便則太陽之氣行而濕隨利出矣

金西銘曰按金匱要略云霧傷皮腠濕流關節是以關節疼痛而煩

濕家之爲病一身盡疼發熱身色如似熏黃

此濕傷太陽通體之表陽濕熱相晉而成黃也張期生曰濕乃陰邪得太陽之標陽而化熱故身色如熏黃若在肌腠則欲得被覆向火蓋肌腠乃太陰脾土所主太陰陰濕主氣也

三焦通會
元真于肌
腠

脾氣上走
于心改胸
滿

濕家其人但頭汗出背強欲得被覆向火若下之早則噦
胸滿小便不利舌上如胎者以丹田有熱胸中有寒渴欲
得水而不能飲口燥煩也

此濕傷太陽分部之氣故但頭汗出而背強蓋太陽之
分部在于頭項肩背之間夫傷太陽之氣在肌則并傷
三焦元真之氣故欲得被覆向火在肌之氣內與中土
相通濕未化熱而下之若早則傷陽明胃氣而爲噦傷
太陰脾土則胸滿而小便不利舌上如胎者以丹田有
熱胸中有寒蓋太陽之氣生于膀胱而上與君火相合

胸中有寒
典胸滿意
同

典傷寒相
似者謂太
陽之氣外
內出入相
同

寒濕留中以致太陽之生氣下逆而熱在丹田濕氣上
乘而胸中有寒君火之氣鬱于上故舌上胎而渴欲得
水寒濕在中故不能飲而但口燥煩也

夫太陽之氣在表則運行于六氣之中而七日來復太
陽之氣在肌則內通于太陰陽明之中土而主出入太
陽之氣生于下焦水中上循胸脇而出表又與心主之
神氣相合以外浮此太陽運行出入之度數也故上文
論濕傷太陽通體之表氣此論傷太陽分部之在肌謂
無分風雨寒暑之邪如傷太陽之氣隨氣運行皆有外

內淺深之病。故曰與傷寒相似于此見之。
濕家下之額上汗出微喘小便利者死若下利不止者亦
死。

此承上文之濕邪在肌下之則邪正之氣並陷于中土。
蓋脾主肌腠而太陰濕土主氣同氣相感也。額上汗出
微喘者太陽之氣虛脫于上也。小便利者膀胱之根氣
虛泄于下也。若下利不止者太陰之土氣虛陷也。夫太
陽主天太陰主地天氣下降地氣上騰升降相因而變
化生焉。若陽氣上脫陰氣下陷則天地四塞而生化滅



矣。是以陽虛于上者死。陰虛于下者亦死。張期生曰。太陽之氣發原于膀胱。上與君火相合而外浮。此二節總屬濕傷肌腠。因下之而陷入于中土。若陽氣內逆。則爲丹田有熱。渴欲得水而口燥煩。若陽氣虛脫者。死邪留中土。則爲噦而小便不利。若脾氣下陷者。死。此因證同而有死生之別。臨病之士須體認明白。金西銘曰。太陰濕土主氣。是以濕傷脾土。此與五液注下。命將難全。同意。但辨脉篇論濕傷經脉。此論濕傷脾氣。學者亦宜體認明白。

主師曰此
濕傷太陽
太陽之表
汗微大汗
者乃中焦
水穀之汗
故濕不去

問曰風濕相搏。一身盡疼痛。法當汗出而解。值天陰雨不止。醫云此可發汗。汗之病不愈者何也。答曰發其汗。汗大出者。但風氣去。濕氣在。是故不愈也。若治風濕者。發其汗。但微微似欲汗出者。風濕俱去也。

夫身半以上爲陽。身半以下爲陰。陽者天氣。陰者地氣。陽受風氣。陰受濕氣。傷于風者。上先受之。傷于濕者。下先受之。風濕相搏。傷上下通體之氣。是以一身盡痛。夫地氣升而爲雲。天氣降而爲雨。值天陰雨不止。此天地氣交之時。法當發汗而愈。故醫云此可發汗。若汗大出。

地氣上升
而為雲故
汗微

二
中字去
聲

者。此風行水。與風去而濕存。故不愈也。若治風濕者。發其汗。但微微似欲汗出者。風濕俱去也。此言濕傷在下。必得地氣上蒸而後解。

濕家病。身上疼痛。發熱面黃而喘。頭痛鼻塞而煩。其脉大。自能飲食。腹中和。無病。病在頭中。寒濕故鼻塞。內藥鼻中。則愈。
頭中之中去聲。內叶訥。

此濕邪之中上也。邪中于上。故身半以上疼痛。發熱面黃而喘。頭痛鼻塞而煩。夫身半以上。手太陰陽明皆主之。故其脉大。邪在高表。故自能飲食。腹中和而裏無病。



身半以丁
足大陰陽
明皆主之

日晡所屬
陽明主氣

謂不傷足太陰陽明也。鼻乃手太陰之竅。而手陽明之
脉交于鼻交頰中。故藥內鼻中則愈。夫邪氣之中人也
高。謂陽中霧露之氣也。清濕地氣之中人也。必從足始
此陰中渾濁之邪也。濁邪在中而濁留腸胃者。榮飪之
邪從口入也。是以上文論濕傷于下。此論霧傷于上下
文論濁邪在中。

病者一身盡疼。發熱日晡所劇者。此名風濕。此病傷于汗
出當風。或久傷取冷所致也。

病者一身盡疼。發熱日晡所劇者。此名風濕。病傷于汗

喝乃君火
之熱同氣
相感也

出當風。蓋汗濕從風。而內入于陽明之中土也。或久傷
取冷者。過取瓜果。貪飲涼漿。以致濕濁之留中也。

○太陽中熱者喝是也。其人汗出惡寒。身熱而渴也。

夫君火以明。相火以位。在地爲火。在天爲暑。在地爲火。
在天爲熱。喝者槩暑熱而言。故曰太陽中熱者喝是也。
其人汗出惡寒者。傷太陽之表。陽身熱而渴者。傷君火
之神氣。

太陽中喝者。身熱疼重。而脈微弱。此以夏月傷冷水。水行
皮中所致也。

陽乃夏之
日熱日乃
君火之大

陽

苦能勝水
濕寒能清
陽熱

腎爲水藏而少陰君火主氣。膀胱爲水府而太陽爲諸
陽主氣。陽乃太陽君火之熱。太陽中喝而水行皮中。此
水火標本之氣相搏于外。是以身熱疼重。太陽與神氣
並傷。故脉微弱也。金匱要略曰。一物瓜蒂湯主之。按瓜
蒂本經氣味苦寒。主治大水身面四肢浮腫。蓋瓜屬蔓
草。延引繁茂。其蒂最苦。其瓜極甜。乃從陰化陽由裏出
表。故主散皮中之水。而清太陽之喝熱也。○金西銘曰。
瓜蒂散與瓜蒂湯主治不同。散乃吐劑。故凡用散則曰
當吐之湯。乃行散之劑。故曰此以夏月傷冷水。水行皮

